

## Oage Boamen

### *Lied voor behoud van 't Thoolse Bosje*

Lank helêêje bin m'n anheplant  
Op wat van d'oudheid restte.  
Verknocht, vergroeid mee stad en land  
Bewaek' ons noe de veste.  
Mâ onheil dreigt, de waen der dag  
Die is naè 't ôôd hestehe!  
Kael is 'in', dus 'het gezag'  
Zit noe mee ons verlehe.

*(refrein/koor)*

*Laèt ons bluve, laèt ons staen*  
*Laèt ons waeke en droame*  
*Me bin ut boegbeeld van de stad,*  
*Van 't land van d'oage boamen 2x*

Waèrom hekapt, waèrom ten prôô  
An modieuze hrillen?  
Me doen a jaerenlang ons best  
Om drukte te verstillen.  
Wie zurgt vô luwte, romantiek  
Vô verliefde stellen?  
Wie ziengt 'r anders bladmuziek,  
Kun j'ons dat us vertelle?

*Laèt ons bluve, laèt ons staen*  
*Laèt ons waeke en droame*  
*Me bin ut boegbeeld van de stad,*  
*Van 't land van d'oage boamen 2x*

Het Thoolse bos van wie is dat?  
Toch nie van de regenten?  
't Is van ons eigen Tholen stad.  
En.... bluve kost hêên centen!  
De wallen, veste, Tholen stad  
Me bluve 't oal omzoame...  
Behoud deez' onbedorve schat,  
Lang leve d'oage boamen!

*Laèt ons bluve, laèt ons staen*  
*Laèt ons waeke en droame*  
*Me bin ut boegbeeld van de stad*  
*Van 't land van d'oage boamen 2x (ref. 2x)*